

वसतोव॒रोः परि॒हृत्य॑ मै॒त्रावरु॑णस्य ह॒विर्धान॑योः प्रा॒तरनु॑वाकमुपा॒कुरु॑ताडुच्चैर्हो॒ता
 श॒सति॑ शनैरि॒तरो ज॑ज्ञयमान-इ॒वान्वाह॑ तन्न वा॒चा वा॒चं प्रत्ये॑ति न ह॒न्दसा
 ह॒न्दः ॥ १० ॥ परि॒हिते॑ प्रा॒तरनु॑वाके । यथा॒यतन॑मे॒वोपा॑श्र॒न्त्यर्यामौ॑ हु॒त्वा द्रोण॑-
 कल॑शे पवि॒त्रं प्रपी॑द्य नि॒दधा॑ति ति॒रोऽङ्ग्यैश्च॑रि॒त्वा प्रत्य॑च्चः प्रतिप॒रेत्य॑ ति॒रो-
 ऽङ्ग्यानि॑व भक्ष॒याधाऽअथानु॑पूर्वं यज्ञपु॒रुषं॑ स॒स्यप्य॑ य॒ऽऊर्धा॑ अ॒र्त्तयामा॑द्ग॒हास्ता॒ङ्ग-
 ह्नीत्वा॑ विप्रुषा॒होम॑हु॒त्वा संत॑निं च ब॒हिष्य॑वमानेन स्तु॒त्वाहरे॑व प्र॒तिपद्या॑-
 धा॒इति॑ ॥ ११ ॥ तदे॒तेऽभि॑ श्लो॒काः । चतु॑र्भिः सै॒न्धवैर्यु॑क्तैर्धी॒रा व्यज॑द्रुस्तमः वि-
 द्वा॒सो ये श॑त॒क्रतु॑ दे॒वाः सत्त्व॑म॒तन्वते॑ति ॥ १२ ॥ च॒त्वारो॑ ह्यत्र यु॒क्ता भ॑वन्ति ।
 द्वौ हो॒तारौ॑ द्वाव॒धर्यू॑ पवे॒र्नु श॒क्वेव॑ ह॒नूनि॑ कल्प॒यन्न॒क्षोर॒त्तौ व्य॑तिष॒जन्त॑ धी-
 राः न दान॑वा य॒ज्ञियं॑ त॒त्तुमेषां॑ वि॒ज्ञानी॑मो वि॒ततं॑ मोह॒यन्ति॑ नः ॥ पूर्॒वस्या॒ङ्गः
 परि॑शि॒ष्यन्ति॑ क॒र्म तदु॒त्तरे॑णाभि॒वित॑न्वतेऽङ्गा इ॒र्विज्ञानं॑ का॒व्यं दे॒वता॑ना॒ह सो-
 माः सोमै॒र्व्यति॑ष॒क्ताः प्र॑वन्ते ॥ स॒माना॑न्स॒दमु॑क्षन्ति ह॒यान्काष्ठ॑भृ॒तो यथा॑ पूर्णा-
 न्परि॑स्रुतः कुम्भा॒न्जन॑मे॒जय॑सादनऽइत्य॒सुर॑रक्ष॒सान्य॑पेयुः ॥ १३ ॥ ब्रा॒ह्मणम् ॥ ७
 [५. ५.] ॥ ॥

प॒ञ्चैव॑ म॒हाय॑ज्ञाः । तान्ये॒व म॒हास॑त्त्वाणि भू॒तय॑ज्ञो म॒नुष्य॑यज्ञः पि॒तृय॑ज्ञो दे॒व-
 य॑ज्ञो ब्र॒ह्मय॑ज्ञ इति ॥ १ ॥ अ॒हर॑ह॒र्भूते॒भ्यो बलि॑ह॒रेत् । तथै॑तं भू॒तय॑ज्ञं स॒मा-
 प्रो॒त्यह॑र॒हर्दद्या॑दो॒दपा॑त्रा॒त्तथै॑तं म॒नुष्य॑यज्ञं स॒माप्रो॒त्यह॑र॒हः स्व॑धा॒कुर्या॑दो॒दपा॑त्रा-
 त्थै॑तं पि॒तृय॑ज्ञं स॒माप्रो॒त्यह॑र॒हः स्वा॑हा॒कुर्या॑दा का॒ष्ठात्तथै॑तं दे॒वय॑ज्ञं स॒माप्रो॒ति
 ॥ २ ॥ अथ॑ ब्र॒ह्मय॑ज्ञः । स्वा॒ध्यायो॑ वै ब्र॒ह्मय॑ज्ञस्त॒स्य वा॒ऽएत॑स्य ब्र॒ह्मय॑ज्ञस्य वा-
 गे॒व जु॒हूर्म॑न उप॒भृच्च॑क्षु॒र्धुवा॑ मे॒धा सु॒वः सत्य॑मव॒भृथः॑ स्व॒र्गो लो॒क उ॒द्यनं॑ या॒वन्त॑
 ह॒ वा॒ऽइमां॑ पृथि॒वीं वि॒त्तेन॑ पूर्णां द॒दंलोकं॑ ज॒यति॑ त्रि॒स्ता॒वन्तं॑ ज॒यति॑ भू॒यांसं॑
 चाक्ष॑यं य॒ एवं वि॒द्वान॑ह॒रहः॑ स्वा॒ध्याय॑मधी॒ते तस्मा॑त्स्वा॒ध्यायो॑ऽध्ये॒तव्यः॑ ॥ ३ ॥